



Vijeće za konkurentnost

Broj: 02-02-895-1/14-XV

Jablanica, 30.09.2016. godine

Izvod iz zapisnika sa XV sjednice Vijeća za konkurentnost općine Jablanica održane dana 30.09.2016. godine sa početkom u 14:00 sati

Prisutni: Salem Dedić – Općinski načelnik, Dženan Mulahasanović – zamjenik predsjednika VZK, Amela Muratović – predstavnik LER-a, Amira Nuhići i Neska Palić – predstavnici Službe za prostorno uređenje, Miralem Hamza – predstavnik Službe za opću upravu, Remza Čolić – predstavnik Službe za opću upravu, Alma Bajramović – Savez poljoprivrednih udruženja Jablanica, Amil Babić – „Babić“ d.o.o. Jablanica, Uzeir Muratović – predstavnik JP EP BiH- Podružnica Jablanica, Ajla Munikoza – predstavnik AC Sunce, Eldin Memić – predstavnik „Voćepromet“ d.o.o. Jablanica, Esad Ćosić – predstavnik „Prominvest“ d.o.o. Jablanica, Ajdin Budim – predstavnik „Labrador“ d.o.o. Jablanica, Ivan Zelanika – predstavnik JP EP HZHB - Radna jedinica Jablanica, Kemal Muratović – Biro rada Jablanica.

Željko Horvat – predstavnik GIZ-a se priključio VZK.

Odsutni: Ragib Mehmedagić – predsjednik VZK-a, Senad Kovačević – Restoran „Kovačević“ Jablanica.

Zamjenik predsjednika VZK-a, Dženan Mulahasanović je pozdravio prisutne i prezentovao tačke davnog reda:

1. Izvod iz zapisnika sa XV sjednice VZK-a
2. Konsultacije sa privrednim sektorom vezano za Odluku o izmjenama i dopunama Odluke o poslovnom radnom vremenu
3. Konsultacije sa privrednim sektorom o urbanističkoj osnovi Regulacionog plana za privrednu zonu Doljani – Bijeli Potok
4. Rasprava i analiza o dodjeljenim sredstvima po Programu poticaja za 2016. godinu u Općini Jablanica
5. Razno.

Dnevni red usvojen jednoglasno.

- 1) Izvod iz zapisnika sa XV sjednice VZK-a
Izvod iz zapisnika je usvojen jednoglasno.
- 2) Konsultacije sa privrednim sektorom vezano za Odluku o izmjenama i dopunama Odluke o poslovnom radnom vremenu

Miralem Hamza je pozdravio prisutne, te istakao primjedbe građana na Odluku o produženom radnom vremenu. Ugostiteljski objekti koji dobijaju saglasnost za produženi rad, ne preduzimaju aktivnosti reda kao i u ostale radne dane. Nadležna Služba i zaposlenici imaju nemogućnost rješavanja problema, te traže mišljenje VZK-a za iznalaženje istih.

Esad Ćosić kao jedan od ugroženih građana o narušavanju javnog reda navodi kako će građani aktivirati nekoliko odvjetnika kako bi se riješio ovaj problem. Smatra da policija ne obavlja adekvatno svoj posao.

Općinski načelnik se obraća prisutnim i navodi kako se Zakon o javnom redu krši, a Odluka o poslovnom radnom vremenu se preispituje. Načelnik dalje navodi da je u konsultacijama sa Općinskim pravobraniocem o mogućnosti rješavanja problema. Traži od Esada Ćosića osvrt komentara na rješavanje o produženom radnom vremenu i traži pomoć, kao i prijedloge za rješavanje ove problematike kako od građana tako i nadležne službe. Smatra da nije potrebna pravna pomoć.

Amil Babić se uključuje u raspravu i navodi kako da je za rješavanje ovog problema najbolje uvesti limitatore za ugostitelje.

Miralem Hamza je prisutnim obrazložio da se Odluka o poslovnom radnom vremenu odnosi na sve poslovne subjekte i navodi da je Odluku donijelo Općinsko vijeće. Mišljenja je da se izmjenama Odluke dolazi do rješenja. Načelnik, Salem Dedić smatra da privrednici trebaju iznijeti svoj stav koji će zajedno sa prijedlozima nadležne službe uputiti Općinskom vijeću na razmatranje. Kao najbolje rješenje, Amil Babić ponovo navodi uvođenje limitatora za ugostitelje i slaže se sa prijedlogom Općinskog načelnika da se usaglase stavovi privrednika i nadležne Službe. Predlaže da se na sljedećoj sjednici VZK donese konačna odluka.

Zaključak: Dostaviti Udruženju privrednika Jablanica Odluku o izmjenama i dopunama odluke o poslovnom radnom vremenu, kako bi isti u roku od 15 dana dali svoje mišljenje. Također, članovi VZK imaju rok od 15 dana da dostave svoje mišljenje i prijedloge. Nakon sagledavanja prijedloga sazvat će se sjednica VZK kako bi isto razmotrilo izmjene odluke, te potom istu uputili na Općinsko vijeće.

- 3) Konsultacije sa privrednim sektorom o urbanističkoj osnovi Regulacionog plana za privrednu zonu Doljani – Bijeli Potok

Amira Nuhić je dala uvodnu riječ o urbanističkoj osnovi Regulacionog plana za privrednu zonu Doljani – Bijeli Potok i prezentovala projekat koji je uradila „IPSA institut“ d.o.o. Sarajevo.

Amil Babić smatra da treba donijeti zaključak o prenemjeni parcela, da se zemljište označeno kao poljoprivreno-šumsko, a pokriveno je niskim rastinjem preraspodjeli na parcele pogodne za izgradnju građevinskih objekta.

Općinski načelnik se uključuje u raspravo i ističe kako je ovo prva verzija regulacionog plana i naglašava da VZK treba dostaviti Službi za prostorno uređenje preporuku i prijedloge privrednika sa okruglog stola.

Zaključak: VZK daje podršku nosiocu pripreme izrade Regulacionog plana da sagleda i u što većoj mogućoj mjeri uvaži prijedloge privrednog sektora.

4) Rasprava i analiza o dodjeljenim sredstvima po Programu poticaja za 2016. godinu u Općini Jablanica

Amil Babić navodi kako trenutna Odluka nije dovoljno kvalitetna. Smatra da treba više sredstava izdvajati za industrijsku proizvodnju, obradu kamena. Uzeir Muratović se slaže sa Amilom i konstatuje da nema konkretnih rezultata što se tiče subvencioniranja za zapošljavanje. Dalje navodi kako bi Jablanicu trebalo izgraditi kao mjesto pogodno za privlačenje privrednika, napraviti konkretan proizvodni kapacitet koji bi zaposlio 50 do 100 radnika.

Općinski načelnik ističe nedostatak inicijative domaćih privrednika. Konkurentsko vijeće se treba baviti novim programom MSP, aktivno se uključiti zajedno sa privrednicima.

Nemogućnost ispunjavanja uslova iz Odluke o dodjeli sredstava Amil navodi kao glavne razloge zbog kojih se privrednici nisu prijavljivali na poticaje u industrijskoj proizvodnji. Smatra da bi uslovi trebali biti pojednostavljeni kako bi se vidjeli konkretni rezultati.

Zaključak: VZK će aktivno raditi na donošenju novog programa poticaja MSP-a i zajedno sa Udruženjem privrednika Jablanica, uvažavajući njihove prijedloge pokušati doći do novog programa poticaja razvoja MSP-a.

Dženan Mulahasanović, zamjenik predsjednika VZK-a zaključuje sjednicu u 15:40 sati.

Zapisničar
Lejla Macić
Lejla Macić

Predsjednik VZK

Ragib Mehmedagić